



UNIVERSITÄTS-
BIBLIOTHEK
PADERBORN

Institutiones Canonicæ Sive Ius Ecclesiasticvm

Wiestner, Jacob

Monachii, 1705

III. De Jure Positivo, ejúsque à Naturali Differentia.

[urn:nbn:de:hbz:466:1-62620](#)

Patetratio, cur in dubitandi ratio-
ne allegata venditio & nuptiae Jure Natu-
rali illicita quidem, non tamen invalidae
sint; quia nec in vendente & nubente de-
fideratus potestas, aut voluntas; cum ille
rei dominium, iste jus in corpus suum in
alium non transtulerint: neque intrinse-
ca malitia perpetua sit; cum, licet excessus
pretii restituendi & a debiti conjugalis ex-
actione abstinendi obligatio daret; turpi-
tudo tamen non perseveret in retentione
pretii justi rei venditae, neque reperia-
tur in debiti exactione.

ARTICULUS III.

De Jure Positivo, ejus-
que differentia à Naturali.

SUMMARIUM.

- 26. *Juris Positivi natura.*
- 27. *Differentia inter præcepta Juris Ne-
gativa & Affirmativa.*
- 28. *Jus Naturale obligat ex ipsa natura
rei:*
- 29. *Positivum ex libera voluntate Supe-
rioris.*
- 30. *Naturalis sunt prima & generalia
Morum principia:*
- 31. *Et ex his etiam evidenter deducuntur con-
clusiones:*
- 32. *Quas aliqui perperam tribuunt Juri
Gentium.*
- 33. *Positivum Jus varium: Naturale
semper & ubique idem,*
- 34. *Et Immutabile est;*
- 35. *Etiam quoad particularia præcep-
ta:*
- 36. *Nisi objecti mutentur circumstan-
tia,*
- 37. *Vel solummodo Permissivum est.*

Jus Positivum, quod aliqui *Positum* 26.
vocant apud Connanum Lib. 1. Com-
ment. cap. 8. sic dicitur, quod ultra
ea, quæ *Jus Naturale* præcipit vel
prohibet, aliquid ponat: estque, quod
procedit ac pendet à libera voluntate lupe-
rioris, scilicet Domini Dei vel hominis,
aliquid præcipientis, prohibentis vel per-
mittentis, Suarez Lib. 1. de LL. cap. 3. n.
13. & Molina Tract. I. de I. & l. disp. 4.
n. 2.

Eius & Naturalis etiam *Juris* præ-
cepta quædam Negativa, prohibentia id,
quod est malum, Vel intrinsecè sive ex na-
tura ipsius rei vel actionis, ut blasphem-
ia, mendacium, perjurium: vel faltem
extrinsecè ob legitiimi superioris prohibi-
tionem, ut cometio de ligno Scientiæ
boni & mali Genet, cap. 2. v. 17. vel car-
nium in Quadragesima: Alia verò Affir-
mativa sunt, præcipientia id, quod bo-
num & honestum est, vel ex natura rei
sive actus præcepti, ut est colere Deum,
honorare parentes; vel extrinsecè sive ex
voluntate superioris, ut est observatio
Festorum ac Jejuniorum, Confessio annua
& Communio Paschalis. Inter quæ
præcepta ea differentia est; quod illa si-
ve Negativa Semper & Pro semper obli-
gent, & impleri valeant per solam actus
prohibiti omissionem & voluntatem illum
omittendi. Ista verò sive Affirmativa, & si
etiam semper, non tamen obligent Pro sem-
per, sed pro iis tantum circumstantiis &
occasionebus, in quib⁹ actus præcepti omis-
sio est mala: & per actum positivum, fe-
re ab impiendi voluntate distinctū imple-
antur, cit. Suarez Lib. 2. cap 13 n. 4.

Inter ipsa autem jura Naturale &
Positivum à Doctoribus fere omnibus
recepta & notata dignæ sunt tres differen-
tiae celebriores.

Prima est, quod Naturale obligat ex
ipsa natura rei præceptæ, in qua honeita-
tem: vel

B 2

28.

tem: vel prohibita, in qua inhonestatem ac turpitudinem supponit: Positivum autem ex libera Superioris voluntate, quae facit esse malum, quod prohibet; &, quod præcipit, necessarium vel honestum reddit. Unde tritum in Scholis pronuntiatum est, Lege sive Jure Naturali præcepta vel prohibita, ideo præcipi vel prohiberi, quia bona sunt vel mala: præcepta autem vel prohibita Lege sive Jure solum Positivo? mala vel bona esse; quia prohibita sunt vel præcepta, cit. Suarez cap. 7. n. 1.

Dubium hic & controversia inter 30. DD. celebris est, an omne, quod est intrinsecè honestum aut ita inhonestum, materia sit Juris naturalis: sunt enim ex ICT*i* satis multi & nonnulli etiā TT, qui à Naturali Jure descendere existimant, sola prima & generalia principia, per se & immediate nota ex ipsa terminorum apprehensione, ut Bonum faciendum, malum declinandum, non faciendum alteri, quod fibi quis fieri nolis: præcepta vero particularia & quæ intrinsecè bona malave esse ex ejusmodi principiis per discursum etiā evidenter deducitur, non ad Naturale, sed ad Gentium Jus pertinere; quod istius Juris præcepta sunt Deum colere, patriæ & parentibus parere, *l. Veluti 2. ff. de J. & f. reddere depositum, l. Bona fides 3. pr. ff. Depositii*: idemque jus vim vi repellere permittat. *l. Ut vim 3. ff. de I. & I.* quæ omnia cum ex principiis illis evidenter deducantur, & ad jus Gentium pertinere ex *ll. citt. exploratum sit*, idem pronuntiandum erit de ceteris, quæ ex primis illis ac generalibus principiis moralibus per evidenter discursum inferuntur; ne jus Gentium confundatur cum Naturali, vel istius solum portio esse dicatur.

Nihilominus, sicut prima illa ac generalia, sic particularia quoq; principia, ut in Decalogo præceptus Dei cultus & parentū

veneratio, eodemque prohibitum homicidium, furtum, adulterium & similia sunt: & quæ ex principiis illis per discursum evidenter deducuntur, ut quibus mendaciu, fornicatio simplex, usuræ lucratæ &c. prohibentur, Naturalis Juris præcepta esse, cum S. Thoma 1. 2. q. 100. art. 1. &c. Turrecremata in can. Jus autem 6. disp. 1. Covarruvia in Reg. Peccatum p. 2. §. 11. n. 4. & alii defendunt cit. Suarez cap. 7. n. 4. & Salas disp. 5. de LL. n. 8. concl. 2. Ratio est partim; quod non ideo bona malave sint; quia sunt prohibita vel præcepta: Sed præcepta vel prohibita sunt, quia bona malave, honesta sunt vel inhonestia: eaque propter bonitatem honestatēmque, malitiam inhonestatēmque intrinsecam facienda vel omittenda, secluso omni aliō jure, dicit ipsum lumen & ratio naturalis: partim vero; quia eō ipso, quod prima & generalia illa, etiam particularia ex ipsis evidenter deducta præcepta moralia naturalis esse juris, est necesse; cum particularia insint generalibus & per discursum evidenter deducta comprehendantur ijs, ex quibus ita deducuntur; ut, qui præcipit aut prohibet illa, ista quoque præcipere vel prohibere intelligatur; quia genus omnes species sub le contentas: & id, ex quo aliquid deducuntur, deductum includit, *l. Semper 147. ff. de Reg. jur.*

Neque hanc de particularibus & evidenter illatis præceptis moralibus sententiam convellunt ex legalibus sanctionibus allegata & Gentium Juri attributa exempla hujusmodi præceptorum; cum enim ista ab omnibus observanda dicit homini connatum & singulorum cordibus à Naturæ conditore Deo inscriptum Lumen rationis, revera sunt Juris Naturalis: & *ll. citt.* referuntur ad jus Gentium, quod ICT*i* vocant Primævum Antiquum & cum humano genere proditum *l. 1. pr. ff. de ad-*

Adquir. rep. dom. licet re ipsa sit Jus Naturale: & Gentium ius ideo solum dicitur; quod eō omnes gentes utantur, ut se ipsum explicat Imperator §. 1. *Instit. de J. N. G. & C.* Suarez cit. lib. 2. cap. 19. n. 1. & Vallensi. *Jur. Canon. Proœm.* §. 5. n. 5.

33. Secunda inter Naturale & Postivum Jus differentia est, quod istud multiplex variisque sit, pro locorum temporumque varietate: Illud autem sive Naturale, licet pluribus præceptis etiam ipsum continet, unum tamen idemque sit in omnibus hominibus, ubique & semper, ex mente Aristotelis §. *Ethic.* cap. 7. & D. Thomæ 2. 2. q. 94. art. 4. & Imp. §. *Sed Naturalia II. Instit. Rubr.* cit.

Neque obstat; quod furtum olim iniquum reputatum non fuerit apud Germanos, teste Cesare Lib. 6. de Bello Gall. & adulteria à Lycurgo permista fuisse, perhiebat Plutarch. in eius Vita: quæ tamen Jure naturali verita Alii centent. Non, inquam, hoc obstat; quia, ut prætermittam; quod hæc delicta potius tolerata, quām habita pro licitis & probata fuisse, credibile sit, Jus Naturale, licet in actu secundo, sive quoad actualem notitiam particularium præceptorum aliquiter diversum, aut non integrum in omnibus fuerit, unum tamen idemque semper est in actu primo & quoad prima & universalissima principia: quæ ex hominum cordibus aboleri & omnino ignorari non posse, cùm laudato Doctore Angelico art. 6. tradit cit. Suarez cap. 8. a n. 6.

34. Tertia, quod Jus Postivum ex legislatoris voluntate, manentibus ijsdem circumstantiis, mutari ejusque obligatio omnino tolli possit, arg. c. *Omnis I. de R. I.* Contrà præcepta & obligationes Juris Naturalis ex sua natura imutabilia sint, non solum quoad prima & Universalissima ejus principia, quod bonum fa-

ciendum, à malo declinandum, proximus non laendus fit: sed etiam quoad particularia & ex primis illis per evidenter discursum illata: scilicet non blasphemandum, non peierandum, non mentendum &c. ut ex Gentilibus Aristoteles cap. 7. cit. Cicero de LL. lib. 1. & 2. agnoverunt, & post Imperatorem §. *Sed naturalia cit. S. Thomas cit. q. 94. art. 4. & q. 100. art. 8.* eumque fecuti ceteri TT, magno consensu tradunt.

Sed, licet hæc ita sint, contrarium 35. tamen quoad præcepta particularia suaderi primò occurru videtur Authoritate ejusdem Philosophi & Angelici Doctoris: quorum ille justum naturale aliquando mutationi obnoxium asserit cap. 7. cit. iste verò, sicut nullum in primis principiis, sic aliquam mutationem agnoscit. in præceptis Legis Naturalis particularibus q. cit. art. 5. Neque id immerito; cùm jure Naturali omnes liberi naescantur, I. *Manumissiones 4. V. Que res. ff. de I. & I. & §. Sed jus quidem 2. ad finem Instit. de J. N. G. & C.* & tamen servitus cum tempore sit introducta: ejusque præcepta de re aliena invitò domino non retinenda, reddendo deposito, secreti fide servanda, licet violentur ijs casibus, quibus res aliena est præscripta, Reipublicæ damnum incurreretur depositi redditione, aut secreti violatione evitaretur: & præcepta de non occidendo vel matrimonio cum matre aut filia non contrahendo, quæ naturalia sunt, obligare desinant ijs casibus, quibus ad propriam & inculpatam defensionem occisio, aut cum matre filiaue matrimonium ad humani generis conservationem necessaria forent, Sanchez Lib. 7. de Matrim. disp. 51 n. 7.

Sed, quamcumque veri speciem hæc 36. Objectio præferat, tamen neque allegata instantiae Jus Naturale quoad illa, etiam particularia præcepta, obnoxium

B 3 muta-

mutationi, neque assertiones illae Philo-
phum aut D. Aquinatem varios sibi que
contrarios esse persuadent; quia mutatio,
quam isti agnoverunt, & illæ evincunt,
non est circa ipsum jus Naturale aut ali-
quod ejus præceptum: sed solummodo
circa ejus materiam sive præcepti objec-
tum: quod cum una circumstantia con-
junctum prohibitet; sine ea vel cum alia
circumstantia conjunctum, permis-
sum illo jure semper fuit. Declaratur
hoc in allatis instantiis sive exemplis; sic
enim homo libertatem à natura acce-
pit, retinendam: nisi justo bellò captus,
cum posset interfici, servetur, vel na-
catur ex ancilla, vel cum viginti annis
major ad pretium participandum se ve-
nundari patiatur. *I. Servorum 5. §. 1.
ff. de Statu hom. §. Servi 3. & 4. Inst. de
Jure person.* Sic alienam rem retineri
vetuit invitò, & petenti domino depositi-
tum reddi & secretum servari præcepit
pro circumstantiis, quibus rei illius do-
minium autoritate legis per viam præ-
scriptionis non acquiritum: vel depositi
v.g. gladij restitutio non obflare, vel
secreti manifestationem, non expoferet
falsus Reipublica. Sic ejusdem juris præ-
ceptum, de non occidendo vel matrimonio
cum filia aut matre non contrahendo,
se nunquam extendit ad circumstantias,
& casum, quod cades fit Authoritate publi-
ca, vel ad sui vel alterius innocentis de-
fensionem necessaria est, vel ejusmodi
matrimonio impediri posset humani ge-
neris extinctio, alias secutura, ut rem
hanc cum *cit. Suarez cap. 13. à n. 5. &
Molina cit. disp. 4. à n. 4.* explicat Pirr-
hing in *Jur. Canon. Proam. §. 3. à n. 3.*

37. Neque etiam cum sic stabilita Juris
Naturalis firmitate pugnat; quod eō
permittantur multa, v.g. variorum cibo-
rum in Veteri, & in Novo Testamento
carnium comedio in Quadragesima, aut

Veneris ac Sabbathi diebus: qua tamen;
Positivo jure prohibente, permissa esse
desierunt: & Naturali jure præcepta sit
observatio impletioque votorum ac ju-
ramentorum, quorum obligatio Apo-
stolicâ dispensatione relaxatur. Non,
inquam, etiam hæc cum firmitate illa
pugnant; quia imprimis carnium & si-
milium ciborum comedionem aliisque
actiones ex se indifferentes naturale Jus
non permisit ita, ut vetaret prohiberi: Sed
ijs tantum circumstantiis permisit, qui-
bus Positivâ Lege, & Divinâ aut ab hac
derivata humana potestate non prohibe-
rentur; ac proinde hujusmodi prohibitio-
ne superveniente licet eis definunt, fal-
vò nullaque sui parte variatio jure Naturali.
Deinde; quia humana potestas, cum vo-
tum vel juramentum relaxare videtur, sa-
pe solummodo declarat, eorum obligati-
onem ex votantis intentione ad hunc vel
illum casum non extendi, Suarez *cit.
Lib. 2. cap. 16. n. 6.* Demum; quia cùm
voti & juramenti obligatio verè relaxa-
tur, iterum obligatio non tollitur direc-
tè; ut voti vel juramenti, sive Deo sim-
pliciter vel cum juramento factæ pro-
missionis acceptatione perseverante, ejus
implenda obligatio cefset: sed solummo-
do indirectè, debitum, ejusmodi pro-
missione erga Deum contractum, ac-
cepta ab isto potestate ejusque nomine re-
mittendo, fere sicut in humanis rebus à
supremo aliòve Officiale Regis vel Prin-
cipis debita, accepta ab isto potestate e-
jusque nomine remitti quandoque solent:
cujusmodi remissione facta, sicut Regi
& Principi, sic etiam Deo debitum cel-
sat: et si perseveret lex sive jus Naturale,
cuique quod suum, eique debitum est, tri-
buendum, & vota Domino reddenda
dictans, Lessius *Lib. 2. de I. & I. cap. 14.
n. 99.* Suarez *de Voto lib. 6. cap. 9. n. 15.*
& Pontius *Lib. 8. de Matrim. cap. 2. n. 3.*

ARTI.